



**Lvdovici Molinæ, E Societate Iesv Theologiæ Doctoris, &
Professoris, Commentaria, In primam D. Thomæ partem**

Molina, Luis de

Lugduni, 1622

De variis expositionibus huius loci 1. Thimoth. 2. Deus vult omnes
homines saluos fieri. artic. 6. disp. 1.

[urn:nbn:de:hbz:466:1-73915](https://nbn-resolving.de/urn:nbn:de:hbz:466:1-73915)

tione subire possit rationem effectus: potest tamen A ratio aliqua notari. Etenim nostro intelligendi more, ratio à priori, quod Deus velit, est quia est intelligens. Ipsius etiā bonitas, ratio est, quod voluerit esse creature, & tam copiosè se illis communicauerit.

Coneclusio.

Conclusio Diui Thomæ est. Voluntatis diuinæ nulla datur causa. Hac est certissima. Cū autem Deus creature velit propter se tamquam ob finem, atque voluntio finis soleat esse causa voluntatis eorum, quæ sunt ad finem, probat D. Thomas id in Deo non cerni. Quoniam est quando finis, & ea quæ sunt ad finem, sunt volita distinctis actibus, voluntio finis sit causa voluntatis eorum, quæ ad finem ordinantur, non tamen quando eodem progressu actu sunt volita: quippe cū idem non possit esse causa sui ipsius: cū ergo Deus, sicut eodem actu intueretur in sua essentia, principia & conclusio-nes, ita eodem actu velit suam bonitatem, & omnia quæ propter eam vult, sit, vt in Deo voluntio finis non sit causa voluntatis eorum, quæ ad finem diriguntur. Que circa hanc rationem disputari poterant i.2. quæst.8.art.3. explicata sunt.

Ceterum animaduertendum est, Quamuis actus, quo Deus vult creature esse, nulla detur causa, actum tamen ipsum non tollere, quin ipse creature voluntas causas alias proprias habeant. Etenim, quod Deus velit vt sit ex planta, quæ hodie interuentu causarum secundarum productur, neque excludit hominem, in cuius gratiam productur, eis causam finalē illius: quin pōrius quia à Deo in eum finem est volita, habet homo, vt sit causa finalis eiusdem, neque item tollit, quin planta, à qua decidit est semen, ex quo hæc alia generatur, virtutis que semini impresta, simil cum orbibus cœlestibus causa sint effectiones illius: aut quin materia simul cum dispositionibus ad formam, que introducit accommodari, sit causa materialis, & forma ipsa sit causa formalis, à quibus omnibus planta, quæ productur, ita penderet, vt, quamvis earum sublata, numquam produceretur.

*Voluntas an
si rationis
congrue, vnde
de expende-
dum.*

Porrò ex huiusmodi causis expendi debet, vtrū voluntas Dei, vt & quoniam alia, sit rationabilis. Etenim voluntas, quæ ad debitum finem, & per conuenientia media aliquid vult, verè iudicatur rationabilis, quæ verò aliter se habet iudicatur irrationabilis. Quare cū in iis, quæ diuina voluntate sunt voluntas, accommodatissimus ordo mediorum, causarūm ad suos fines reperiatur, sit, vt voluntas diuina sit maximè rationabilis.

Ex dictis ergo manifestum est, propositiones, quæ vel solidū denotant habitudinem medijs & finis inter res à Deo voluntas, vel eas habere huiusmodi habitudinem ex voluntate Dei, atque adeò vt Dei voluntatione terminabitur, concedendas esse: cas verò quæ causam voluntatis diuinæ innuit, negandas esse, dubias autem distinguendas. Quare hæc sunt concedenda, voluntarum à Deo unum est propter aliud, Deus vult unum esse propter aliud, vt plantam propter hominem, Deus vult unum propter aliud, id est, vult vt sit propter aliud. Hæc etiam potest concedi, hoc est voluntum à Deo propter illud, si sit sensus, terminat voluntatem diuinam gratia illius alterius tamquam finis ex ipsa voluntate ac ordinatione diuina. Hæc vero, Deus vult plantam esse, quia vult hominem esse, non erit concedenda, quia innuitur unam voluntatem esse causam alterius, quod est falsum: cū Deus cæcè simplicissima voluntate, quæ nullam habet causam, velit utrumque, sicut neque illa alia, hoc est voluntum à Deo propter illud, erit concedenda, si cumdem sensum efficiat: in cōque negatur à D. Thoma

hoc loco. Quod si aliqua earum in aliquo graui au-tore reperiatur, piè erit exponenda, vt significetur finalis causa rei volitæ, à Deo propter aliam, non verò voluntatis, quæ vt sit propter aliam, est volita.

ARTICVLVS VI.

De variis expositionibus illius testimoniū 1. ad Timoth. 2. Deus vult omnes homines saluos fieri.

DISPUTATIO I.

A NTEQUAM examinemus quæstionem à D. Thoma hoc loco propositam, operæ premium erit expendamus Doctorum interpretationes circa propositum Pauli testimonium: de qua re agit D. Thomas in responsione ad pri-mum huius articuli.

Prima est Augustini epistola 107. ad Vitalem, in Enchiridio cap. 103. de prædestinatione sanctorum cap. 8. & Hypognost. lib. 6. sub finem, quam amplectitur Anselmus in eundem locum Pauli. Credit enim Augustinus iis in locis, testimonium illud non esse intelligendum vniuersum de omnibus hominibus, sed de iis tantum, qui saluantur: eo loquendi modo quo, vt de prædestinat. sanctorum cap. 8. ait: quando unius tantum magister docet pueros in aliquæ ciuitate, dicere consuevimus, talem magistrum docere omnes pueros eiusdem ciuitatis: neque enim significare volumus, eum docere omnes vniuersum pueros illius ciuitatis, cùm sint multi, qui à nemine doceantur: sed docere omnes, que in illa ciuitate docentur, per constructionem, aut distributionem quæ appellant accommodam. Eodem modo ait Augustinus in Enchiridio intelligi illud Ioan. 1. Illuminat omnem hominem venientem in hunc mundum: cū enim multi sint, qui non illuminantur, sensus est, Christum illuminare omnē, qui illuminatur, ita ut nullus, nisi ab eo, illuminetur: atque eodem modo intelligentur quedam alia loca Scripturæ.

Secunda est eiusdem Augustini in Enchir. cap. Secunda ex-citato, & de correptione & gratia cap. 14. quod eo in plicatis. loco distributio fiat, non pro singulis generum, quæ Dei Deus velit omnes homines cuiusque status saluos fieri, sed pro generibus singulorum, ita vt sit sensus, cuiusque status vult aliquos saluos fieri. Eodem modo exponit Augustinus illud Matth. 23. & Luke 11. Decimatus mentit & rutam & omne olia, id est, quanlibet oleris speciem.

Tertia est eiusdem etiam Augustini de correptione & gratia cap. 15. vt sit sensus. Vult omnes homines saluos fieri, id est, facit nos velle omnes homines saluos fieri, iuxta illud ad Roman. 5. Misit Spiritum Filij sui clamantem, Abba Pater, id est, clamare nos faciemus, Abba Pater. Interim namque diu nobis non constat, quisnam Deus velit saluos fieri, instum, sanctum, gratiūque Deo est, vt ab eo omnibus proximis postulemus saluim, illamqueis pro nostra vivili parte curenus: quare desiderium hoc atque petitio à Deo est.

Quarta est D. Thomæ & Cajetani in eundem locum Pauli, Marsiliij 1.q.45.art.1. & quorundam aliorum, assertantium, locum illum intellegendum esse, non de voluntate beneplaciti, hoc est, quæ formaliter sit in Deo: hanc enim affirmant semper impleri, sed de voluntate signi, quia Deus proponit omnibus hominibus precepta salutis, docet in am. Euagelij quoniam in culpa sunt, quod ad agnitionem veritatis venire nolunt, nec salvi esse. Porrò voluntas signi non est formaliter in Deo, sed est effectus Dei, nepe promulgatio legis, & Euangeli, redemptio genitus humani facta per Christum, &c. Eiusmodi autem effectus

Quarta ex-
positio ex Di-
Thoma.

*effectus dicuntur metaphoricè voluntas. Det, quatenus in-
dicia quedam sunt, Deo futurum esse gratū, nō solum si
omnes salvi fiant, sed etiā si singuli pro omnī salute pre-
ces fundant. Eo autē pācto eū modi effectus metaphoricè
dicuntur voluntas Dei, quo testamentum, quia testatoris
voluntatem exprimit, voluntas illius appellari conuenit.*

*Voluntas fr.
qui an ali-
gā volitio
nō salvi cō-
ditionatam
fuerat in
D.*

Est verò mihi non leue dubium, vtrum ex horum autorum sententia voluntas signi aliquam volitio- nem, saltē conditionata, quā formaliter sit in Deo, per quam re ipsa velit omnes homines saluos fieri, significet, an verò quemadmodum punitio, voluntāque diuina puniendo peccatores, dicuntur metaphoricè ita, quatenus Deus talē effectum exhibet, qualem homo iratus constituit facere, cum tamē nihil sit in Deo, quod formaliter habeat rationem iræ, ita in Deo non sit alia volitio, qua peccatores omnes velit saluos fieri, quā volitio, qua exhibere vult signa, quā re ipsa exhibet, quā proinde volitio comparatione signorum sit voluntas beneplaciti & efficax: signa vero ipsa externa, tum volitio. Dei interna, dicuntur metaphoricè voluntas, vt omnes homines salui fiant, quatenus Deus talia signa voluntate efficaci exhibet, qualia exhiberet is, qui sub conditione, si per homines non staret, vellet omnes homines saluos fieri, cùm tamen nulla volitio, etiam conditionata, sit in Deo, qua velit omnes homines saluos fieri. deinde exponit euend locum quatuor modis de voluntate beneplaciti, tres priores paulò ante ex Augustino allati sunt, quartum vero addit, quod intelligatur de voluntate antecedente, seu conditionata, si per homines non steterit, vt mox dicimus, quam voluntatem sine dubio comprehendit sub voluntate beneplaciti. Nisi fortè dicamus D. Thomam eo loco per eam signi voluntatem intendisse significare voluntatem conditionatam in Deo existentem, qua velit omnes homines saluos fieri, si per ipsos non steterit, vt inferius ad finem artic. i. exponimus D. Thomam: dicamū que D. Thomam eo in loco sumpsisse voluntatem beneplaciti latè ve- ditinguitur contra voluntatem signi.

*Soni &
Ocham
fuerat.*

A sententia relata, meo iudicio, parum aut nihil discrepant Scotor & Ochamus in i. d. 46. & quidā alij, qui omnino negant villam in Deo voluntatem beneplaciti reperi, quā non impleatur, ac proinde nec eam, qua velit omnes vniuersum homines saluos fieri, neque item volunt concedere in Deo voluntatem conditionalem. Quare licet dicant Deum voluntate antecedente velle omnes homines saluos fieri, non verò voluntate consequente: nomine tamen voluntatis antecedentis intelligent voluntatem efficacem, qua omnibus vniuersum conferre voluit, rēque ipsa conferre dona naturalia, leges rectas, & auxilia sufficientia ad salutem, qua ratione dici potest velle ex parte sua omnes homines saluos fieri. Itaque voluntatem illam efficacem: quatenus est quorundam antecedentium, quae ad salutem conducent, non tamen sunt fatis, nisi co- peretur liberum arbitrium, Deo p̄t̄ existente ad adiuandum, appellant voluntatem antecedentem, qua Deus vult omnes homines saluos fieri, quantum est ex se: non verò quasi in Deo sit aliqua volitio, qua sub conditione vellet omnes vniuersum saluos fieri. Merito ergo Marsilius loco citato voluntarem, de qua hi Doctores loquuntur, non esse aliam à voluntate signi affirmavit.

Postrema expositio eiusdem loci est Damasceni

A 2.lib. fidei Orthodoxæ cap. 29. quo loco de diuina prouidentia disputans docet. Inter ea quæ sub diuinam prouidentiam ac voluntatem cadunt, ea, quæ à libero arbitrio creato minimè pendent, sola diuina prouidentia, ac voluntate gubernari, ac proinde quacumque eorum eueniunt, à Deo esse volita ab-

*consequit ex
D. Dama-
sceni mento
explicantur.*

soluta voluntate, quā quacumque voluit, fecit in celo, & in terra. Vnde ait: Deus greditur est qui est factus, & prouisor & factus eius virius, & contemna, & prouisua, bona spissæ voluntas est. Omnia etenim quæcumque voluit Deus fecit, & in celo, & in terra, & voluntati eius nullus resistit. Voluit cuncta fieri, & facta sunt, vult confidere mundum, & confidit. Et omnia, quæcumque vult, potest, atque sunt. Quibusdam verò interiectis addit. Omnia dicit prouidentia opera, quæ non in nobis sunt (id est, que non à nostra pendent potestate) ea enim, quæ in nobis sunt, non prouidentia sunt, sed libera potestate nostra & arbitrij. Prouidentia vero, hec quidem secundum acceptionem (hoc est, bona quæ à libero arbitrio nostro pendent) hec enī secundum permissionem, nempe mala, tam culpe, quam afflictionis, ignominiae, & poena, que interduunt per liberum nostrum arbitrium, interdum per alienum Deus sua prouidentia ob varios fines opti-

mos nobis permitit, vt latè exponit. Addit: Noſ ſe oportet electionem agendorum in noſtra eſe potestate, ſi nō autem bonorum, Dei cooperatione inſte cooperante, iis qui recta conſientia bonum eligunt secundum praeficientiam eius. Malorum autem derelictione Dei, rurſus secundum praeficientiam eius iuste derelinquent. At derelictionis dñe ſunt species. Eſt enim derelictio diffenſatio, correptionis & eruditio; & eſt derelictio finalis & desperativa. Diffenſatoria quidem & eruditio, ad correctionem ſalutem, & gloriam patiens facia, aut ad aliorum zelum & imitationem, aut ad Dei gloriam. Finalis derelictio, cū, Deo cuncta que ad ſalutem ſunt faciente, incorrigibiliſ, & immadicabiliſ, magis autem infamabilis ex proprio proposito permaneat homo. Tunc enim traditur in finalē perditionem, vt Iudas, quod à nobis auerterat Deus, & à tali derelictione defendat. Tandem non eſt, omnia tristitia damnationis superuenientia: qui cum gratiarum actione ſuſcipiunt, ad ſalutem induci, & omnino utilitatis cauſa effici, & Deum preferunt, præcedenterque velle omnes saluari, & regnum eius conſequi. Non enim ad paucendum nos plasmavit, ſed ut efficiat nos bonitatem ſua particeps, vt bonus. Peccantes autem puniri vult, vt iustus. Dicitur igitur prima, præcedens voluntas & acceptatio ex ipso exiſtens. Secunda vero, voluntas ſequens, & permifſa, ex noſtra cauſa exiſtens. Et hec duplex eſt. Hec quidem diffenſatoria & eruditio ad ſalutem: illa vero desperativa ad finalē perditionem, ceu iam diximus. Eorum autem, quæ in nobis ſunt, ſi bona quidem, præferunt, antecedenterque vult & acceptar. Si mala, & re vera mala, neque prefertin vult, neque conſequenter vult: ſini tamen arbitrium ad illa liberum. Nam quod per violentiam ferret, neque rationalis, neque virtus eſſet opus, &c. Haec enim Damascenus. Cuius verba placuit referre, vt aperte eius mens explicetur: ſi quidem primus egregiam illam diſtinctionem voluntatis diuinæ, in antecedentem, & conſequente inuenit, atque iuxta eam, locum Pauli citatum interpretatus eſt. Quiquid enim Gregorius 'Arimenſis in primo diſputat. 46. q. primo dixerit, planè idem docuit quod D. Thomas hoc loco aliisque Scholastici eum docuisse af- firmant.

F Ad cuius rei intelligentiam sciendum eſt Damascenum non diſtinguere voluntatem antecedentem, & conſequente, comparatione omnium, quæ à Deo ſunt volita, ſed ſolū comparatione eo-

rum, quæ à libero arbitrio creato pendent, quæ ait, non esse solum diuina prouidentia, sed liberæ etiam nostra potestatis & arbitrij.

Deus vult omnes saluos fieri, si per ipsos non possunt.

Sciendum est deinde, Deum optimū maximum, dum Angelos, & primos parentes condere in suam beatitudinem ex aeternitate statuit, utrisque verè, & abique illa fictione voluisse sempiternam beatitudinem, & media ad illam consequendam necessaria, ad quem finem illos effingere constituebat. Si namque sempiternam beatitudinem, & media ad eam obtinendā necessaria omnibus hominibus tunc non volueret, profectò neque tunc creare constituisse, neque in tempore diceretur condidisse omnes homines in suam beatitudinem, sed solum aliquos: ex voluntate namque Dei, vt, si per ipsos non steterit, illam, aequantur, dicuntur conditi in sempiternam beatitudinem: nullus autem dicere audebit, neque salua fide Catholica dicere potest, Deum ex aeternitate non statuisse condere in suam beatitudinem tanquam in finem omnes homines, quos in tempore creauit. Ut verò finis, in quæ tam Angelos, quam homines staruebat condere, illis redderetur honorificientior, si propriis meritis compareretur, atque iustissimis aliis de causis, licet dum eos in suam beatitudinem condere statuit, verè abique illa fictione ipsi volueret sempiternam beatitudinem, mediisque omnia necessaria, voluit tamen illis hæc non voluntate absoluta, sed sub conditione, dependenterè à libero arbitrio, tum proprio cuiusque, tum etiam primi parentis, quo ad gratitudo quædam dona, que, vt in posteris deriuarentur, illi statuit conferre, vt in Concordia q. 14. art. 13. disp. 3. dictum est.

Deus vult omnes saluos fieri, si per accidens, ex ipsa dispositione caularum vniuersi, ac primi parentis causa, prater Dei institutionem ac voluntatem evenit, ad id quoque interdum confert malitia aliorum, quæ omnia Deus minimè impedit tenetur.

Sciendum est tertio, Deum optimum maximum ruinam generis humani prævidentem, dum eidem Redemptorem vniuersalem conferre statuit, cuius merita sub certis quibusdam legibus omnibus hominibus, quantum est ex parte Redemptoris, applicarentur, omnibus etiam voluisse sempiternam facilitatem, mediisque ad eam consequendam necessaria, non tamen voluntate absoluta, sed dependenter, tum à libero arbitrio hominum, tum etiam à cursu, dispositione, & eventibus huius mundi. Neque enim post ruinam, delictumque generis humani, ratio postulabat, vt humanum genus ad felicem illum statum, in quo primò fuerat conditum, reduceretur, atque vt iustitia originalis dono, esti que ligni zita, iterum aduersus calus ac miseras, quibus ex dispositione ipsa vniuersi suapte natura subiaceat, muniretur, quin ponitis æquum erat, vt, in pienam delicti, huius vite ærumnas deinceps experiretur. Iste verò naturæ autor, atque omnium rerum molicitor Deus, dispositionem vniuersi, ac liberum arbitrium humanum presupponeret, vt naturam humam gratia à Redemptore promerita perficeret quantum opus erat ad eam in finem supernaturalem perducendam, vt in Concordia articulo citato dictum est.

Ex his confit, in Deo Optimo Maximo constituendam esse volitionem, tum bonitate ac pietate ipsius dignissimam, tum libero arbitrio creato, probationique, qua ad premij palmarum nos perducere constituebat, maximè consentaneam, qua videlicet homines omnes & Angelos, quos condere staruebat, ex aeternitate voluerit saluos fieri, sempiternamque vitam, mediisque ad eum finem necessaria, eis conferre, sub conditione tamen, si per ipsos, aut primum parentem non starerit. Vnde cœsat obiectio, quam Iosephus Augustinus repetit, quæque in causa fuit, ut testimonium Pauli, non de omnibus vniuersim hominibus exponeret, sed ad tres illas expositiones re-

latas configureret. Sapè enim obiicit, pueros in uteris maternis interdum periri ante baptismum, neque tamen per pueros, neque per parentes, nec per ministros Ecclesia stare, qui percupenter eis subuenire, & remedium baptismi ad salutem adhibere, nec tamen possunt, ergo Deus vult omnes vniuersim homines saluos fieri, etiam sub conditione illa, si per ipsos aut per parentes, aut per ministros Ecclesia non starerit. Ad hanc enim difficultatem respondendum est, Deum, spectata prima conditione generis humani, velle omnes homines, nemine excepto, saluos fieri, si per ipsos, vel primum parentem, cui primò dona gratuita toti fiboli per generationem communicanda collata sunt, non stet. Posita verò ruina generis humani, & beneficio redēptionis, velle etiam omnes saluos fieri, seruata ramén constitutione, curfique causarum vniuersi, dependenterè à libero arbitrio hominum, vt explicatum est. Quare Deo gratum est omnes saluos fieri, eaque de causa, iuxta testimonium Pauli, vult ut ab eo id petamus, & pro viribus nostris omnibus proximis curemus. Quod autem quidam perent, quibus neque alij, nec ipsi fibimetipsi subuenire quanct, effectus est, atque poena peccati primi parentis, idque non per se, sed per accidens, ex ipsa dispositione caularum vniuersi, ac primi parentis causa, prater Dei institutionem ac voluntatem evenit, ad id quoque interdum confert malitia aliorum, quæ omnia Deus minimè impedit tenetur.

Porrò volito haec conditionalis, quam in Deo constituiimus, actus est liberi arbitrij duini ad eos tantum se extendens, quos condere constituit. Neque reniam, si horum nomine illos etiam comprehendens, qui posita ea constitutione vniuersi, quæ à principio fuit, extitissent, vel si pro hominum arbitrio mundus hic, quo ad generationes hominum, alium cursum teneret, aliq; numero diversi gignerentur: hos enim omnes voluit etiam Deus saluos fieri, sub conditione, si, vt naturaliter esse potuit, re ipsa generarentur. Volito auté, qua Deus ex aeternitate eo modo voluit omnes homines saluos fieri, supra dictum, quo Deus se ipsum diligit, non aliud addit, quām respectum rationis ad singula obiecta eo modo sub conditione volita. Cum verò nulla sit repugnantia, Deum ita aliqua sub conditione velle, imò id, vt videbimus, sicut Scripturæ, consentiat, que maximè, tum cum bonitate ac pietate diuina, tum etiam cum libertate & probatione, in qua positi sumus, vt ad quod voluerimus, sive vitam, sive mortem, porriganus manum, non video, qua ratione ciui modi actus à Deo debeat excludi.

Hunc verò actum appellat Damascenus voluntatem Dei antecedentem, per cāmque ait Paulum affirmasse Deum velle omnes homines saluos fieri, & ad agnitionem veritatis venire. Quod si vult aliquos dannare & punire, atque adeo non saluari, id, inquit, vult voluntate consequente. Ut verò mentem Damasceni intelligas, animaduerte: Tria ab eo diliguntur in nobis comparatione sempiternæ felicitatis, atque interitus aeterni, quæ vt pédent ab arbitrio nostro, ita dixit, non esse solum prouidentia diuina, sed etiam libera potestatis nostra, & arbitrij. Quædam enim non tantum sunt bona secundum se, sed etiam sunt bona nobis, cuiusmodi sunt, sempiterna felicitas, obseruatio mandatorum, & consiliorum, omnia denique media à nostro arbitrio aliqua ex parte pendenti, & sempiterna felicitati accommodata. Quædam alia sunt, quæ, tum secundum se malæ sunt, nullaque ratione possunt esse bona, tū etiam nobis mala sunt, vt transgressiones mandatorum. Alia

Oblatio qua
D'August. ad
superiores
expositio-
nes impulit.

Alia denique sunt, quæ nobis quidem sunt mala, præ requiruntque culpam in nobis, ut à Deo sint nobis volitæ, at posita culpa, subeunt secundum se rationem boni, ut in peccata culpa iustè à Deo sint nobis volitæ, eiūmodi sunt, damnatio, atque interitus noster. Res ergo primi generis, at Damascenus, omnibus vniuersum hominibus esse à Deo voluntas, quoniam, ut nobis eas conferret, non verò nos puniret, ab eo creati sumus: at voluntas omnibus esse, voluntate conditionali si per ipsos aut primum parentem non stare: sunt enim res, quæ non solum sunt prouidentia diuinæ, sed etiam potestatis, atque libertatis arbitrij creati. Atque de eiūmodi voluntione intelligit locum Pauli. Cùm verò qui tula vult omnes homines saluos fieri, neminem sub illa eadem conditione persistendō que in solo fine, ac intuitu creationis generis humani, velit perire, quin potius habeat, ut ita dicam, nolle ratem, qua nolit quemquam perire, si ipsius demerita contrarium non postularent, quandoquidem omnes saluati, & quemquam perire, pugnantia sint, fit, ut ea voluntio, quæ, nostro intelligendi more cum fundamento in re precedit voluntatem rerum tertij generis, Deus omnes vniuersum homines velit saluos fieri, neminemque perire. Res verò secundi generis, ut ait Damascenus, neque antequām fiant, neque post quām prævidenter ex nequitia liberi arbitrij creati futuræ, aut iam effecta fuerint, sunt volitæ à Deo, eò quod nullam possint habere rationē boni, ob quam illi placere possint: sed solum sunt ab eo in optimum finem permisæ. Permissio autem ponit eiūmodi res per libertatem arbitrij esse futuras, nisi impediatur: id namque permittente dicimus, quod cùm alioquin futurum sit, possimulque impeditre, non tamen impedimus. Nec verò id tribuitur culpa non impeditis, quando non tenet ar impedire, sed solum culpam illius, qui libet tale quid perpetrari, ut in Concordia q. 14. art. 13. disp. 31. ostensum est. Res verò tertij generis, quoniam non sunt à Deo volitæ, nisi posita culpa eius cui in peccata iustè sunt volitæ, atque adeò ipso præbente prius causam, vnde meretur ut aliud sit illi volitum, longè diuersum ab eo, quod fine ipso creationis Deus illi conferre volebat, si per ipsum nō staret, idēc ait Damascenus, voluntate quādā consequente, quæ coparatione illius alterius nostro intelligendi more posterior est, esse hominibus voluntas. Hæc verò posterior voluntas præventionem culparum ponit. Vnde ait, Vtramque voluntatem a Deo proficiat, priorem quidem, quia bona est posterior, vero, quia iniusta est, prioriisque ex bonitate, misericordia, ac clementia diuinæ oriri, posterioris vero homines causam prebere.

Ex his patet in primis, Damascenum solum distinguere voluntatem consequentem & antecedentem circa ea, quorum vtramque est bonum atque adeò voluntum voluntate diuina, & quæ ita inter se affecta sunt, ut de contrario eius, quod à Deo est voluntum voluntate consequente, sit in Deo velleitas, atque adeò, nostro intelligendi more, præcesserit voluntas conditionata, nempe si nos etiam velimur, non tamen dicimus, ut velle contrarium voluntate consequente, quoniam peccata & consiliorum violatio non polluit habere rationem boni, ut per voluntatem consequentem sit à Deo volitæ, sed solum dicuntur à Deo permitti, quamvis voluntas id

permittendi, quoniam ponit ita futurū esse per librum arbitriū creatū nisi à Deo impeditur, dici possit posterior voluntas nostro more intelligēdi, quam voluntas conditionalis, ut eadem sequentur.

BPatet secundū apud Damascenum non omnem voluntatem Dei absolutam appellari consequentem, sed eam solum, de cuius contrario velleitas in Deo reperitur. Etenim voluntatem, qua Deus prævidens Petrum pro libertate sui arbitrij seruatrum præcepta & consilia, consecutur, inquit, vnam æternam, id iam absoluē vult, placeret sibi, non appellat voluntatem consequentem, sed ad antecedentem pertinere affimat, quandoquidem per eam non aliud vult Deus, quia id ipsum quod voluntate antecedente vult, cùm tamen id ipsum velit absoluē, atque ut sibi gratissimum acceptet.

CLuxa hæc ergo, voluntas consequens est, qua aliquid ex adiunctione aliquarum circumstantiarum est absoluē volitum, manente velleitate de opposito, quod proinde, præcisus talibus circumstantiis secundum se spectatum est nolitum id verò quod spectatum sine eiūmodi circumstantiis est secundū se volitum, voluntate antecedente dicitur volitum. Ut projectio mercium in mare ad euadendum vita periculum effecta, dicitur volita voluntate consequente, quia ita est absoluē volita ex circumstantia superuenientiis periculi, ut cōiunctam habeat velleitatem, calde merces seruandi, si id pateretur tempora, quæ plane velleitas ex voluntate conservationis mercium secundum se spectatum ortum habet. Aliud exemplum accommodatissimum adducit D. Thom. hoc loco, de iudice æquissimo & optimo, qui sicut vult nulla esse seculera in republica, ita nullum veller capitum damnare, sed omnes viri & pace frui, at spectatis scilicet reorū bono que reipublicæ, quod postular, ut, qui talia patravit capite plectantur, vult voluntate absoluē consequente eos extremo supplicio punire, manente in eodem velleitate de conservatione vita cuiusque, si per leges liceret, bonumque commune id pateretur, quæ plane ex voluntate antecedente oritur, quia vellet omnes, ea ratione, quia homines & proximi sunt, incolumes seruare, cùm legis & communis bonum id permitunt. Quia ergo voluntas antecedens respicit priorem quoniam rationem in obiecto præcisam à circumstantiis superuenientibus, quarum ratione oppositum est absoluē voluntum voluntate consequente, voluntas verò consequens respicit posteriorem superuenientem rationem, idēc ait D. Thomas hoc loco, distinctionem hanc voluntatis antecedentis & consequentis in Deo non sumi ex parte Dei, quasi in eo deetur una voluntas, quæ antecedat, alia quæ sequatur, sed ex parte obiecti spectati secundum diuersas rationes, quarum una est prior, alia posterior. Negandum tamen non est, nostro intelligendi more cum fundamento in re, voluntatem antecedentem esse priorem in Deo voluntate consequente, ut dictum est.

FSententia explicata, non solum est Damasceni & D. Thom. hoc loco, quam, ut reliquis anteposendam, ultimo loco in hoc articulo retulit, & copiosius quam alias, explicauit, & Dominicus à Soto in illa verba capituli noni epistola ad Romanos. *Quod si Deus volens offendere, &c.* quo loco affirmat, salua reuerentia, quæ Augustino debetur maxima, sententia expositionemque Damasceni preferendam esse expositionibus Augustini, itemque Catharini de prædestinatione ad sanctum Concilium Tridentinum, & complurium scholasticorum, sed etiam multorum Patrum in eundem locum Pauli

Pauli 1.ad Timoth.2, quem de omnibus vniuersitatem hominibus, sub condicione explicata, interpretantur. In quibus est Athanasius 3.lib. de assumptione hominis. Chrysostomus in eundem locum Pauli, & lib.i.de providentia, paulò post medium, Ambrosius in eundem locum Pauli vbi ait: *Si Deus, qui omnipotens dicitur, omnes homines saluos vult fieri, cur non impletus eius voluntatis deinde responderet: Conditio latet: vult enim Deus saluos fieri, sed si accedant ad eum, si & ipsi velint, &c.* Item Hieronym. in eundem locum, inquit, vocati Deo consentire velint. Atque inde dicit solui obiectiones de induratione Pharaonis. Hanc eandem expositionem amplectitur Augustinus in lib.ad articulos falsò sibi impostos, art.2. vbi ait: *Sincerissime credendum esse arque profidendum, Deum velle ut omnes homines salvi fiant: si quidem Apostolus, cuius ista est sententia, sollicitè præcipit, quod in omnibus Ecclesiis piissimè custodiatur, ut Deo pro omnibus hominibus supplicetur. Ex quibus quodam multo pereunt, pereuntium est meritum, quod multi salvantur, salvantis est donum: ut enim reus damnatur, inculpabilis est Dei iustitia, ut autem reus iustificetur, ineffabilis Dei gratia est.* Hæc Augustinus. Eamdem expositionem manifestius adhuc amplectitur de spiritu & litera c.33.

*M.
I.
D.*

*Voluntatem
editionat, si Deus re vera non vult omnes homines saluos fieri, si per ipsos non steterit, sane intelligi non valeret quam ratione vero dicatur, omnes homines in vitam aeternam condidisse, potuisseque omnes in manu consilii sui, ut gratia diuina adiuti, ad quæ facientibus, quod in se est, conferendam paratis simus est, eam consequi possent, nec qua ratione, qui illam non consequerentur, sua, aut primi parentis culpa, essent dicendi eam non fuisse consecutis: cum ergo hæc omnia cū Scripturis sacræ pugnant, amplectenda proculdubio est propositione sententia.*

*Secundò, quoniam expositiones aliae ad locum Pauli præter Damasceni & communem Patrii expositionem, omnes vel ipso primo aspectu peregrinæ, & extorte apparentib[us] craverent enim Paulus fieri obsecrations, orationes, postulations, gratiarum actiones pro omnibus hominibus: adiecitque: *Hoc enim bonus est & acceptum coram Salvatore nostro Deo, qui omnes homines vult saluos fieri, & ad agnitionem veritatis venire: unus enim Deus, unus & mediator Dei & hominum, homo Christus Iesus, qui dedit redemptionem semetipsum pro omnibus: sanè Paulus de eisdem omnibus hominibus afferuit, Deum velle omnes saluos fieri, de quibus in codem contextu præmisserat, ut pro omnibus fierent obsecrations, orationes, &c. (id enim ex rationem attulit, quare fieri deberent) ac de quibus subiungit, Christum dedisse semetipsum redemptionem pro omnibus: constat autem nullum viatorem excipendum esse ab orationibus Ecclesiæ (excommunicatum excipit, qui in peccatum iustum, ut resipiscat, præcepto eiusdem Ecclesiæ à communibus orationibus excluditur) sed vniuersum pro omnibus esse orandum, idque gratum esse Deo, Christumque pro omnibus vniuersum dedisse semetipsum redemptionem: ergo Paulus omnes vniuersum afferuit Deum velle saluos fieri, si per homines ipsos non staret.**

*Tertiò, in Deo est formaliter voluntas, qua vult, ut impleamus præcepta & consilia quæ nobis tradidit, si nos quoque, idem velimus; hanc enim verbis illis orationes. Dominicæ, fiat voluntas tua, sicut in celo, & in terra, petimus a nobis impleri. De eadem 1.ad Thefl.4. ait Paulus, *Scitis que præcepta dederim vobis per dominum Iesum. Hec est enim voluntas Dei**

A *sanctificatio vestra, ut abstineatis vos à fornicatione, &c.* Præterea præcepta ipsa & consilia ab vniuersis Theologis, comparatione Dei, voluntas signi dicuntur, neque alia ratione, nisi quia voluntatem in Deo formaliter existentem exprimunt, qua id vult, si nos quoque pro nostra libertate idem velimus, eaque ratione id nobis præcipit. Ridiculum namque est Scripturisque sacræ minimè consonum arbitriari, Deum quidem formaliter & propriè id non velle, sed solum metaphorice dici id velle, quia perinde exhibet præcepta & concilia, atque ea exhiberet, qui id vellet, eo modo quo de eo iraci diciatur solum metaphorice, qui punis, ut punire soleat homines irati. Quare D. Thomas conspiciens expositionem illam, quam in Paulum regulerat, de voluntate signi, qualis in Deo nulla esset voluntas beneplaciti, nulla probabilitate fulciri, merito cā hoc loco non retulit, sed eas solum expositiones, quæ locum illum interpretantur de voluntate beneplaciti, formaliter ac propriè in Deo existente. Denique voluntas illa nihil cum Deo pugnat, quin potius maximè consentiens est, tum cum bonitate, pietate, ac veritate diuina, tum etiam cum libertate nostra & probatione, qua Deus nos ad palmam premij statuit perducere: ergo est in Deo admittenda: sed illa eadem est, qua Damascenus, & alij Patres affirmant Deum velle omnes vniuersim homines saluos fieri, mediisque ad vitam aeternam necessaria consequi, si per ipsos non staret: ergo vera est Damasceni, aliorumque Patrum opinio circa illius loci Pauli expositionem.

Ante quartam rationem obiter dicam, non defuisse, qui nostram illam propositionem initio præcedentis rationis propositam, in Deo est formaliter voluntas, qua vult ut impleamus præcepta & consilia, quæ nobis tradidit, si nos quoque idem velimus, redargueret tentauerint, dicentes. *Quamvis, ut plurimum vera sit, non tamen semper esse veram, ut constar in præcepto illo Abrahamo impo-*

to de immolando Isaac. *Obiit.*

Est tamen rigorosa valde nimisque scrupulosa ea redargutio. Primo, quoniam nos loquuti sumus de præceptis & consiliis Ecclesiæ propositis: non verò de præcepto Abrahamo peculiariter imposito ad eum tentandum, mundoque ostendendam ac simul exercendam præclaram Abrahami fidem, spem, obedientiam ac caritatem in Deum, & ad typum exhibendum futuræ passionis Christi, nimirumque Patris aeterni caritatis, qua sic mundum dilexit, ut pro illius salute non dubitauerit Filium suum unigenitum in acerbissimam tradere mortem. Secundò, quoniam nostra doctrina per se, ac de lege ordinaria solida est, ac vera: quod fatis est, ut tuò ac simpliciter possit, ac debet affirmari, inquit est necesse facere exceptionem eventus extraordinarij ac singulis ad particularem aliquem finem. Quin potius tamquam plus iustò cautus meritò is notaretur, qui propositione illa solida per se ac vera: vtens ad argumentationem, quam nos confecimus, recurrere vellat ad faciendam exceptionem extraordinarij illius eventus, idque profectò obscurā redderet orationem. Tertiò, quoniam nostra propositio, neque in præcepto Abrahamo imposito patitur instantia. Illud namque præceptum hac omnia continebat. *Tolle filium tuum unigenitum, quem diligis Isaac, & vade in terram visionis, atque ibi offer eum in holocaustum super unum montium, quæ monstravero tibi: Abraham verò surrexit, rulit puerū, & omnia fidelissime est exequutus usque ad gladij erectionem, ut percuteret eum: id autem fatus est, ut impleuisse dicitur præceptum*

præceptum domini: quandoquid tam multa illius A præcepti est exequitur, neque per ipsum sacerit, quominus omnimodam impletionem compleret. Vnde scriptura ipsa ex Dei persona subiungit, *Quia fecisti rem hanc, & non pepercisti filio tuo unigenito propter me, benedicat tibi.* Et infra, *Quia obediens vocis meæ.* Atque hæc Abrahæ obedientia præcepto illi, quod executionem est, quæ tantopere in facis literis commendatur: & de qua Iacobus 2. c. de operibus atque legis impletione agens, sic ait: *Abrahæ pater noster nonne ex operibus iustificans est, offerens Isaac filium suum super altare?* Sanè is, cui præceptum est imploratum, dum id efficere statuit, quod sibi præcipitur, & per partes exequutione id mandat, præceptum dicitur implere: per accidensque est, quod vel morte præuentus, auctaliter impeditus, totum implere non poterit, vel quod à legis datore aliquid sit ei remissum, aut etiam prohibitum, quod illi implendum supererat, implereque aggrediebatur. Adde, quando dicimus in Deo esse formaliter voluntatem, quia vult, ut impleamus præcepta & consilia quæ nobis tradidit, si nos quoque id velimus, habere id hanc tacitam conditionem, si penes nos sit id implere: alioquin si impossibile, vel de facto, vel de iure nobis sit, constat in Deo non esse talen voluntatem: ut verò Abraham, tempore, quo puerum erat percussurus, effectum erat impossibile iurius impossibilitate, id præcepti antea sibi impositi implere, quod implendum restabat, propter nouum illud aliud præceptum, *ne extendas manum in puerum.* Possumus etiam dilucidius sic dicere. Doctrinæ nostræ manifestè esse in hunc modum intelligentiam, in Deo est voluntas, quia vult, ut, si nos quoque velimus, impleamus præcepta, quæ nobis tradidit, pro tempore, pro quo obligant. A nostra autem doctrina hoc pacto intellecta nihil omnino est excipendum: quoniam licet præceptū illud affirmatius Abraham impositum, ipsum obligauerat ea omnia efficer, quæ vultque ad gladij erectionē efficit, idque animo interficiendi Isaac, atramen pro nullo instanti obligauit eum, filiū suum interficere: quoniam in tempore, in quo filium iuxta Dei præceptū erat percussurus, præueniens erat à Deo, contrariumque illi erat præcipiendum. Non ad id regrediamur, unde sumus digressi, quariamque rationem conficiamus.

Quarò eadem sententia probatur multis aliis testimoniis. Scriptura sacra, quæ aperte sonant in Deo esse ciuitati voluntatem. Genesios enim 5. Tactus dolore cordis intrinsecus, delebo, inquit, hominem, quem creavi, a facie terra. Isaia 1. Heu vindicabor de iniurias meis: si autem in Deo non esset velleitas, quæ homines non punire cuperet, si ipsorum peccata, aliud non postularent, quid qualis dolor ille cordis interior sciscus, quæ tactus dicitur, gemitusque ille insutum vindicta exprimerent? neque enim aliud significant, quæ in velleitatem, quia vult nō punire, si peccata id non postularent. Item Sapientia i. habetur: *Deus mortem non fecit, nec letatur in perditione virorum.* Creavit enim, ut essent omnia, & sanables fierint nationes orbis terrarum. In iustitia mortis est acquisitionis Impij autem manus, & verbis acerberunt illam. Ezechiel. 18. Numquid voluntatis meæ est mors impij, & non ut converteretur a via suis, & vivat. Et infra. Quia moxiemini dominus Israël: quia nolo mortem morieris, resurrexi, & vivi. Item Matth. 23. *Quoties volui congregare filios tuos, quemadmodum gallina congregat pullus suis sub alas, & non laisti.* Denique si in Deo non esset voluntas conditionalis, de qua loquimur, sane invitationes ad pénitentiam, atque ad vitam æternam, quæ ex persona Dei in Scripturis sanctis sunt,

potius fictiones dicendæ essent, comparatione eorum, qui non conuerteruntur. Venerabilis eternum esset præcepta subditis dare, nec veller, ut ea impletent, velle nihilominus transgressores punire: quare id Deo nulla ratione est tribuendum: quin potius dicendum est, reuera velle fieri, quæ præcipit, seruata tamen libertate arbitrij creati, ac proinde sub conditione, si homines & Angeli id ipsius velint.

Dominicus à Soto loco citato, tametsi tamdem annuat, maximè tamen dubius est, quæ voluntas hec, quam in Deo esse ostendimus, appellanda sit velletas, voluntasque conditionalis, quia, inquit, velletas, voluntasque conditionalis est imperfecta, quia non est nisi ubi deest facultas implendi quod voluntum est, ut in coernere licet, qui vellet non præcire merces in mare, tempestate tamen coactus, quia desperat se aliter posse servare vitam, eas præcicit: Deo autem nulla imperfetto, nulliusque deficitus facultatis est tribuendum.

B At proculdubio appellanda est cum D. Thoma, hoc loco velletas voluntasque conditionalis, ut ex hac tenus dictis est manifestum. Præterea cum in Deo sit formaliter, & non sit volitio efficax ac absoluta, non videntur quæ alia esse possit, quam velletas, voluntasque conditionalis.

C Ad rationem Socii dicendum est, velletatem voluntatemque sub conditione, interdum esse propter defectum facultatis faciendi, aut obtinendi id, quod ita est voluntum, ut cernitur in eo, qui veler non præcire merces suas in mare: interdum vero est, non propter defectum potestatis, ut sit id, quod ea vellet, sed ut ea ratione finat res agere accommodatæ ad suas naturas, creatureque arbitrio prædictæ propriis meritis, diuina gratia adiuta, honorificentius ad præmij palmarum perducantur. Priori ergo modo coniuncta est cum imperfectione, defectuque facultatis, neque ita cernitur in Deo. Posteriori vero minimè. Etenim liberè vult Deus aliqua dependenter ab arbitrio creato, nempe beatitudinem damnatorum, quorum opposita, nempe damnationem, vult absolute propter malum vnum eiusdem arbitrij. At illa eadem, verbi gratia beatitudinem, quorum opposita absolute vult, potius velle absolute, vel impediendo malum vnum arbitrij creari, vel etiam absolute ea volendo, secluso quocumque vnu arbitrij creati.

D Gregorius loco citato nititur probare, locum Pauli non esse intelligendum de voluntate antecedente, quæ sit velletas salutis, si per peccatores non staret, idque in hunc modum. Quoniam si id esset verum, Paulus non dixisset, Deus vult omnes homines saluos fieri: velletus namque non exprimi solet per verbum indicatiæ sed optatiæ modi.

E Dicendum nihilominus est, in primis velletatem interdum etiam verbo indicatiæ significari, ut constat ex illo Christi ad Patrem, *Verum tamen non sicut ego volo, sed sicut tu.* Dicendum est deinde, quam velleitatem, quæ est propter defectum facultatis faciendi, aut consequentiæ aliquid, velle exprimi per verbum optatiæ modum: non vero, quæ ideo est in Deo, ut finat res agere liberè accommodatæ ad suas naturas: hæc etenim est voluntas conditionalis, dummodo per alium non staret, quæ ratione optimè dicere possumus, *Deum velle salutem omnium, dummodo per ipsos non stet.*

DISPUTATIO II.

Virum voluntas Dei semper impletatur.

F S It prima conclusio. Quidquid Deus vult voluntas. Prima cœl. State absoluta semper impletur. Hæc est de fide. affirmativa. Ve